

6 Jun 2024
Kenyataan Media

PREMIUM INSURANS KENDERAAN BOLEH DIBAYAR SECARA ANSURAN DI PUSPAKOM

SHAH ALAM, 6 Jun 2024 – Mengurus kewangan ada kalanya menjadi cabaran bagi individu, dan membayar premium insurans kenderaan yang tinggi boleh menjadi satu beban kepada seseorang yang mempunyai bajet bulanan yang terhad. Justeru itu, PUSPAKOM Sdn. Bhd. (PUSPAKOM) telah memperkenalkan kaedah pembayaran yang lebih fleksibel dengan pembayaran premium insurans kenderaan secara tiga kali ansuran melalui ATOME semasa memperbaharui insurans di PUSPAKOM.

PUSPAKOM menawarkan perkhidmatan perbaharui insurans di semua 54 cawangan PUSPAKOM di seluruh negara dan juga di ibu pejabat yang berlokasi di Wisma DRB-HICOM, Shah Alam, Selangor.

Ketua Pegawai Eksekutif PUSPAKOM, Mahmood Razak Bahman menyatakan inisiatif yang diperkenalkan oleh PUSPAKOM adalah bertujuan untuk kemudahan orang ramai mendapatkan insurans kenderaan.

“Kaedah pembayaran ansuran ini dapat meringankan beban orang ramai khususnya pemilik kenderaan apabila mereka memperbaharui insurans kenderaan mereka dengan PUSPAKOM tanpa menjejaskan perlindungan dan tiada caj tambahan yang dikenakan.”

Pelanggan hanya perlu melakukan empat langkah mudah untuk perbaharui insurans dengan PUSPAKOM:

1. Dapatkan sebut harga percuma dari PUSPAKOM di <https://www.puspakom.com.my/motor-insurance-renewal-2/>
2. Pilih pelan insurans mengikut kesesuaian.

3. Kunjung mana-mana cawangan PUSPAKOM di seluruh negara atau ke Wisma DRB-HICOM untuk memperbaharui insurans.
4. Muat turun aplikasi ATOME dan bayar melalui ATOME. *Pengguna baru boleh menikmati diskaun RM15 bagi transaksi pertama!

Sebagai pusat pemeriksaan kenderaan, PUSPAKOM juga merupakan pusat sehenti dengan turut menawarkan pelbagai perkhidmatan lain seperti pembaharuan insurans dan cukai jalan.

Perkhidmatan di bawah satu bumbung ini secara tidak langsung dapat menjimatkan masa pelanggan dalam menguruskan kenderaan mereka.

Untuk maklumat lanjut, sila hubungi 03-2052 7463 atau emel customerservice@puspakom.com.my.

#

Gambar



3X
Ansuran Premium Insurans

Tanpa Caj Tambahan

MUAT TURUN
Available on the App Store and Google Play
atome A

Jom beli insurans kenderaan eksklusif di PUSPAKOM!

Tingkat 4, Wisma DRB-HICOM
Semua Cawangan PUSPAKOM

PUSPAKOM 30 YEARS

Untuk maklumat lanjut, sila hubungi:

Leong Pei Yee

Ketua, Jabatan Komunikasi dan Khidmat Pelanggan
PUSPAKOM Sdn Bhd

Mohd Izzat Intanjudin

Eksekutif Kanan, Jabatan Komunikasi dan Khidmat Pelanggan
PUSPAKOM Sdn Bhd

MENGENAI PUSPAKOM

Puspakom Sdn Bhd (PUSPAKOM) merupakan syarikat pemeriksaan kenderaan yang pertama dan satu-satunya yang dilantik oleh Kerajaan Malaysia untuk menjalankan semua pemeriksaan mandatori bagi kedua-dua kenderaan komersial dan persendirian. Ditubuhkan pada tahun 1994, kami adalah anak syarikat milik penuh DRB-HICOM Berhad.

Peranan utama kami adalah untuk menjalankan pemeriksaan ke atas kenderaan untuk membantu pemilik kenderaan dalam memastikan kenderaan berada di dalam keadaan yang selamat untuk dipandu di atas jalan raya serta memastikan pemilik kenderaan mematuhi peraturan-peraturan dalam memelihara alam sekitar melalui ujian pelepasan asap. Ini akan dilakukan melalui pemeriksaan yang ketat dan teliti terhadap kenderaan untuk memastikan mereka mematuhi peraturan keselamatan Kerajaan.

Setiap tahun, PUSPAKOM menjalankan lebih daripada 3 juta pemeriksaan kenderaan. PUSPAKOM mempunyai rangkaian di seluruh negara di 54 pusat pemeriksaan yang dilengkapi peralatan yang diiktiraf dan dikalibrasi oleh pihak berkaitan dari semasa ke semasa. Selain itu, PUSPAKOM juga mempunyai lebih daripada 25 pemeriksaan secara lawatan yang menyediakan perkhidmatan pemeriksaan kenderaan di kawasan kurang penduduk dan di luar Bandar.

Perkhidmatan Pemeriksaan Bergerak PUSPAKOM terdiri daripada Unit Bergerak Trak, Unit Bergerak Van dan Unit Bergerak Ringan, menyediakan perkhidmatan pemeriksaan kenderaan dari pintu ke pintu kepada pelanggan individu dan korporat kami. Kami bangga memberikan perkhidmatan pemeriksaan kenderaan yang cepat, cekap dan tepat secara profesional.